



Na osnovu člana 4. stav 2. Zakona o platama i ostalim naknadama sudija i tužilaca u Federaciji BiH („Službene novine Federacije BiH“, br. 72/05, 22/09, 55/13 i 61/22), a u skladu sa odredbama Poslovnika Visokog sudskog i tužilačkog savjeta Bosne i Hercegovine („Službeni glasnik BiH“, br. 55/13, 96/13, 46/14, 61/14, 78/14, 27/15, 46/15, 93/16, 48/17, 88/17, 41/18, 64/18, 12/21, 26/21, 35/21, 68/21, 1/22, 26/23, 83/23, 9/24, 27/24, 72/24, 79/25 i 27/26), Visoko sudsko i tužilačko vijeće Bosne i Hercegovine u sastavu tužilac Sanin Bogunić, predsjednik Vijeća, sudija Velimir Ninković i sutkinja Sanela Gorušanović - Butigan, potpredsjednici Vijeća, sudija Izo Tankić, sutkinja Aleksandra Obradović, sudija Sedin Idrizović, sudija Obren Bužanin, tužiteljica Bojana Jolović, tužiteljica Snježana Petković, tužiteljica Željka Fabić, prof. dr. Džamna Vranić, dr. sc. Davor Martinović, advokatica mr. Duška Bogojević i advokatica Elma Veledar Arifagić, na sjednici održanoj 15. i 16.07.2026. godine donio je

O D L U K U **o imenovanju stručnog saradnika u Općinski sud u Konjicu**

- I. Za stručnog saradnika u Općinski sud u Konjicu imenuje se **Marić Ivan**.
- II. Imenovani stupa na dužnost 17.08.2026. godine, u skladu sa odlukom Vijeća od 23.07.2026. godine.
- III. Ova odluka stupa na snagu danom donošenja i objavljuje se na internet stranici Vijeća.

O b r a z l o ž e n j e

Visoko sudsko i tužilačko vijeće Bosne i Hercegovine (u daljem tekstu: Vijeće) je dana 10.10.2025. godine, na internet stranici objavio javni konkurs, broj: 04-07-3-3249/2025, za jednu (1) upražnjenu poziciju stručnog saradnika u Općinskom sudu u Konjicu.

Nakon provedene konkursne procedure, nadležno podvijeće je dostavio Vijeću rang listu kandidata, sa obrazloženim prijedlogom za imenovanje.

Vijeće je prilikom razmatranja rang liste kandidata, uzelo u obzir činjenicu da je kandidat pod rednim brojem 1. na rang listi odustao od pozicije stručnog saradnika u Općinskom sudu u Konjicu.

Razmatrajući zaključenu rang listu kandidata i utvrđenu ocjenu razgovora, kao rezultat ocjenjivanja svih kriterija za imenovanje propisanih članom 72. Poslovnika VSTV-a BiH, Vijeće je odlučio da za poziciju stručnog saradnika u Općinski sud u Konjicu, imenuje kandidata na rang listi pod rednim brojem 2 Marić Ivana.

Na razgovoru sa imenovanim kandidatom Komisija za obavljanje razgovora ispitala je kriterije iz člana 72. stav (1) i (2) Poslovnika VSTV-a BiH, koji se odnose na poznavanje relevantnih propisa i njihove primjene, sposobnost pravne analize, prosječna ocjena ostvarena za vrijeme studija, objavljeni naučni i stručni radovi i druge aktivnosti u struci, prethodno iskustvo i radni rezultati, komunikativnost i sposobnost prezentiranja, kao i okolnosti koje su relevantne za utvrđivanje podobnosti kandidata za obavljanje poslova stručnog suradnika, pri čemu je kandidat u konačnici po tom osnovu ostvario ocjenu 3,70.

Prilikom imenovanja, Vijeće je uzeo u obzir kvalifikacije, znanje i iskustvo imenovanog kandidata. Imenovani kandidat se istakao, između ostalih prijavljenih kandidata, sposobnošću razumijevanja i sistematičnog analiziranja pravnih problema, poznavanju relevantnih zakona i drugih propisa,

sposobnosti da nepristrasno, savjesno, marljivo, odlučno i odgovorno obavlja dužnosti i poslove stručnog saradnika.

U pogledu radnog iskustva, Vijeće je uzeo u obzir činjenicu da imenovani kandidat trenutno obavlja poslove višeg stručnog saradnika u Općini Prozor-Rama. U prethodnom periodu od 2021. g. do 2025. g. obavljao je poslove stručnog saradnika, dok je u periodu od 2018.g. do 2019. g. godine obavljao je pripravnički staž oboje u Općini Prozor-Rama.

Diplomirao je na Pravnom fakultetu Sveučilišta u Mostaru dana 06.07.2017. godine, sa prosječnom ocjenom 2,96 i stegao zvanje Bachelor prava, dok je na istom fakultetu stekao zvanje magistra prava 12.07.2018. godine sa prosječnom ocjenom 3,625. Pravosudni ispit je položio 14.11.2022. godine.

Uzimajući u obzir sve navedeno, Vijeće je ocijenio da je imenovani kandidat u potpunosti ispunio zakonom propisane uslove, kao i druge kriterije koji se cijene prilikom izbora kandidata, kako bi bio imenovan na poziciju stručnog saradnika u Općinski sud u Konjicu

U skladu sa članom 31. stav (2) Poslovnika VSTV BiH, dana 23.7.2026. godine, Vijeće je donijelo odluku o stupanju Marić Ivana na dužnost stručnog saradnika u Općinskom sudu u Konjicu, sa danom 17.8.2026. godine.

Imajući u vidu sve iznesene razloge, Vijeće je odlučio kao u izreci ove odluke.

Broj: 04-07-2-2879-1/2026

Datum: 23.07.2026. godine

